

## SCRIPT OF EVENING GOJRI NEWS BULLETIN 12MAR 2025

1700HRS

اوننگ گوجری نیوز بولٹین 12 مارچ 2025

\*\*\*\*\*

یوہ آکاشوانی جموں بے عبدالرحمان تے نصرت تیں خبر سَنو۔

\*\*\*\*\*

### HEADLINES

- ۱۔ وزیر اعظم نریندر مودی نے اپنا ماریشین ہم منصب رام گولام نال وفد غی سطح ور گل کی تے ۸ مفاہمت غی یادداشتان ور دستخط ہویا۔
- ۲۔ مرکزی کھیڈ غا وزیر مانستھ مانڈویا تے وزیر اعلیٰ عمر عبداللہ نے جموں کشمیر مانہہ نوجوانان غا روز گار تے کھیڈان مانہہ فروغ دین ور تبادلہ خیال کیو۔
- ۳۔ نائب وزیر اعلیٰ نے جموں کشمیر قانون ساز اسمبلی نانہہ دسیو کہ دریا چناب ور اکتالی کروڑ اٹھتر لکھ روپیہ غی لاگت تیں بنن آلو میترہ پُل اگست ۲۰۲۶ تک مکمل وے غو۔
- ۴۔ جل شکتی غا وزیر جاوید رانا غے مطابق جموں صوبہ مانہہ ۱۱ نوا پانی غا دوبارہ استعمال کار بنان غی خاطر مشنری نظام غی تجویز دتی گئی بے۔
- ۵۔ کھیلو انڈیا سرمائی کھیڈ غا ۵واں شمارہ غو گلمرگ مانہہ کامیابی سنگ اختتام پزیر ہوو۔

\*\*\*\*\*

### PM TALKS

وزیر اعظم نریندر مودی نے اپنا ماریشیس غ اہم منصب نورن رام گولام غے نال ۲ روزہ سرکاری دورہ غے دوران وفود غی سطح ور گل بات کی اس ملاقات مانہہ بھارت تے ماریشیس غے بشکار مختلف معاہداں ور دستخط کیا گیا دورا غا دوجے تہاڑے اج ۸ معاہدا تے مسابمتی یادداشتیں طے پائیں جنغو تعلق مقامی کرنسی غا لین دین قرض فراہم کرن سفارت کاران غی تربیت سمندری معلومات غو تبادلہ مالی جرائم تیں نمرن نکہ چھوٹا تے درمیانہ درہ گاروبار نانہہ فروغ دینو تے سرکاری افسران غی بہتر تربیت تیں متعلق تھو۔ اس موقع ور وزیر اعظم نریندر مودی نے خطاب کرتا واں اس طرح کہیو۔

\*\*\*\*\*

### MANDVIYA CM MEET

نوجوانان بارے معاملات تے کھیڈان گا مرکزی وزیر منسوکھ مانڈویا نے اج وزیر اعلیٰ عمر عبداللہ سنگ ملاقات کی تے خطہ گا نوجوانان غے متعلق اہم امور ور تبادلہ خیال کیو۔ دواں لیڈران نے نوجوانان واسطے روز گار غا مواقع پیدا کرن تے کھیڈان نانہہ شمولیت تیخودمختاری غا ایک دریعہ غے طور ور فروغ دین ور تقجہ مرکوز کی اس بات چیت غ و مقصد کھیدان گا رول نانہہ طبقہ غی تعمیر مانہہ بدھانو تے نوجوانان نانہہ بکھ بکھ سرگرمیاں مانہہ شرکت غی ترغیب دینو تھو۔

\*\*\*\*\*

### ZERO HOUR

اج قانون ساز اسمبلی غا زیرو اور یعنی خصوصی اجلاس مانہہ مختلف اسمبلی اراکین نے عوامی مسائل نانہہ آجاگر کیو گلاب گڑھ تیں رکن اسمبلی انجنیر خرنشید احمد نے ریاسی ضلع مانہہ حالیہ سڑک حادثہ مانہہ زخمی ہون آلاں واسطے بہتر طبی سہولیات فراہم کرن غو مطالبو کیو کشمیر صوبہ غا اسمبلی اراکین نے رمضان غے دوران گلیاں مانہہ لوہ لان مانہہ تاخیر ور تشویش غو اظہار کیو۔ رکن اسمبلی ارجن سنگھ راجو نے رام بن مانہہ مزید راشن مرکز قائم

کرن غی ضرورت ور زور دتو جد کہ رُکن اسمبلی سجاد شاہین نے بنہال مانہ خالی پنی ایس ڈی ایم غی نشست نانہ فوری طور ور پھرن غو مطالبو کیو۔

\*\*\*\*\*

### DY CM RAMBAN

نائب وزیر اعلیٰ سریندر چودھری نے اج کہی وکہ چناب دریا ور بنن آلو ۱۴ کروڑ ۸۷ لکھ روپیہ غو میترہ رام بن پُل اگست ۲۰۲۲ توڑی مکمل ہو جے غو۔ قانون ساز اسمبلی مانہ رُکن اسمبلی ارجن سنگھ راجو غا سوال گو جواب دیتا واں اُنہاں نے وضاحت کی کہ اس پُل غی تعمیر مانہ تاخیر قومی شاہراہ اتھارٹی غی جانب تیں ۴ لین رام بن فلائی اوور تیں جُڑن غی پابندیاں گی وجہ تیں ہوئی ہُن اس پُل نانہ پرانی قومیشاہراہ تیں جوڑن غو فیصلو کیو گیو ہے۔ جس غے تہت اس غی اوچائی ۸ اشاریہ ۵ میٹر بدھائی گئی ہے تے اس غو مجموعی پھیلاؤ ۰۰۳ میٹر کردتو گیو ہے نائب وزیر اعلیٰ نے مزید دسیو کہ اس پُل غی بنیاد رکھن غو کم مکمل ہو گیو ہے تے دوئے طرفوں تعمیراتی کم جاری ہے اُنہاں نے کہیو کہ ہُن توڑی ۱۲ کروڑ ۰۱ لکھ روپیہ اس منصوبہ واسطے جاری کیا جا چکا ہیں۔

\*\*\*\*\*

### DY CM DHAR UDH ROAD

نائب وزیر اعلیٰ سریندر چودھری نے اج کہیو ہے جے دھر ادھمپور سڑک نانہ دو پالی تیں چار پالی کرن بارے تجویز پروجیکٹ سپنارک بی آر او غے ذریعے پیش کی گئی ہے تے یوہ معاملو مزید منظوری واسطے شمالی کمانڈ نانہ پُجیو گیو ہے وے ستیش کمار شرما غی طرفوں پوچھیا گیا ایک سوال غو جواب دے رہیا تھا۔ اُنہاں نے کہیو جے جد متعلقہ عہددار اس گی منظوری دینگا تاں بی آر او غی طرفوں اس سڑک نانہ چار پالی بنان بارے کم سرا نجام دتو جے غوبلونٹ سنگھ منکوٹیہ را جیو جسروٹیہ تے پون گپتا نے وی ضمنی سوالات چایا۔

\*\*\*\*\*

### RIVERS HEALTH

جل شکتی غا وزیر جاوید احمد رانہ نے اج دسیو جے جموں خطہ مانہ چناب تے راوی دریاں نانہ آلودگی تے دوجا ماحولیاتی مسائل تیں بچان واسطے کئی اقدامات کیا گیا ہیں دو ندر کمار منیال غی طرفوں پوچھیا گیا ایک سوال غا جواب مانہ وزیر موصوف نے جموں خطہ غ ابکھ بکھ ضلعان مانہ ۱۱ پانی غ ادوبارہ استعمال کار بنان غی خاطر مشنری نظام غی تجویز ور روشنی کہلی جہیزہ کہ دیہی ترقی محکمہ غے تحت ہیں اُنہاں نے مزید کہیو جے ان وچوں ۴ پانی ساف کرن آلا نظاماں ور کم شروع ہو چکو ہے جس غو مقصد دریاواں غا ماحولیاتی معیار نانہ بہتر بنانو ہے۔ یہ نظام گھریلو گندہ پانی غا اخراج تیں ہون آلی آلودگی نانہ کہٹ کرن مانہ مدد دینگا۔

\*\*\*\*\*

### GOVT DUMPING ITOO

حکومت نیاچ واضع کیو کہ روایتی ٹھوس کچرا نانہ پھیکن غا طریقہ نانہ ختم کرغے جدید تے سائنسی طریقاں تیں کچرو ٹھکانے لان ور کم کر رہی ہے۔ نظام دین بھٹ غی طرفوں ممبر جی اے میر غا سوال غو جواب دیتا واں وزیر صحت سکتینہ اتو نے ایوان نانہ دسیو کہ حکومت سائنسی طریقہ تیں کچرا نانہ ٹھکانے لان غا منصوبہ ور کم کر رہی ہے۔ اس مانہ پُرانا کچرا نانہ جدید طریقہ تیں ساف کرنو سائنسی کچرا منیجیمنٹ مرکز بنانو گھراں گو کچرو

جمع کرنگو نظام کچرا پھینکن غی جگہ غے ارد گرد حفاظتی باڑ لان تے ان جگہاں انہہ خوبصورت باغ مانہہ بدلنو شامل ہے۔

\*\*\*\*\*

## KHELO INDIA

کھیلو انڈیا یا سرمائی کھیڈ ۵۲۰۲ غ ادوجا مرحلہ غو اج کامیابی سنگ گلمرگ مانہہ اختتام ہوو ملک پھر تیں کھیڈایاں نے اس تقریب مانہہ حسو لیو جت اُنہاں نے ۴ بکھ بکھ کھیڈاں مانہہ مقابلہ کیا جھیڑی ہیں الپائین سکیتنگ نودڑک سکیتنگ سکائی مونٹرننگ تے سنو بورڈنگ ان کھیڈاں مانہہ سب تیں زیادہ ریاست ہما چل پردیش نے تے فوج غی طرفوں ۸۱.۸۱ تمغہ حاصل کیا گیا ہیں جد کہ جموں کشمیر نے ان کھیڈ مقابلان مانہہ ۴ تمغہ حاصل کیا ہیں۔ ان کھیڈاں غا پہلو مرحلہ غو کامیاب انعقاد ۳۲ تیں ۷۲ جنوری تک لداخ مانہہ ہوو جت ہاکی تے آئیس سکیتنگ غا مقابلہ منعقد کی اگیا نوجوانان غا معاملات تے کھیڈاں غا مرکزی وزیر ڈاکٹر منسوکہ مانڈویا تے گلمرگ کلب مانہہ منعقد اختتامہ تقریب شرکت کی تے ملک پھر غا کھیلاڑیاں غی حوصلہ افزائی کی۔ اس موقع ور بولتاں واں اُنہاں نے اس طرح کہیو۔ اسے دوران زرائع ابلاغ غا نمائندہ سنگ گل بات کرتا واں وزیر اعلیٰ عمر عبداللہ نے کہیو جے گلمرگ مانہہ ایک بہترین سرمائی کھیڈ مرکز غو قیام ایک کوش آئیندہ قدم ہے اس موقع ور بولتاں واں اُنہاں نے مزید اس طرح کہیو۔

\*\*\*\*\*

## HADP REASI

ریاسی مانہہ ہالسٹک ایگریکلچر ڈیولپمنٹ پروگرام زراعت مانہہ نوی تبدیلیاں لیا رپیو ہے تے کسانان نانہہ جدید تے فائدہ مند طریقان تیں کھیتی باڑی غا مواقع دے رہی ابیں اس جدید زراعت مانہہ پالی ہاؤس فارمنگ یعنی جدید کاشتکاری غو طریقو ہے تے ہانڈروفونکس یعنی ایک ایسو طریقو جس مانہہ بغیر متی غے صرف پانی تے غزائی اجزاء غی مدد تیں پودا اگایا جیں ایسا طریقہ شامل ہیں حکومت کسانان نانہہ مالی مدد تے تربیت فراہم کر رہی ہے۔ جس غی وجہ تیں اُنہاں نانہہ اچھو مالی فائدو پُج رپیو ہے۔ حکام مزید کسانان نانہہ جدید کاشت کردی غی طرف راغب کر رہی ہے تانجے پیداوار تے آمدنی نانہہ اضافو وے تے دیہی علاقان مانہہ خوشحالی آوے۔ مارا نمائندہ نال گل کرتا واں بھاگا گراں غا کسان سریندر سنگھ نے اس طرح کہیو۔

\*\*\*\*\*

## WAQF BOARD

جموں کشمیر وقف بورڈ غی چئیر پرسن ڈاکٹر درخشاں اندرابی نے اج ادھمپور غو دورو کیو جہڑو کہ کسے وقف بورڈ گا ممبر غو ضلع غو پہلو دورو تھو۔ اُنہاں نے عیدگاہ آدرش کالونی مانہہ مسلم برادری غا ایک بڑہ اجتماع سنگ خطاب کیو بعد مانہہ ڈاکٹر اندرابی نے ضلع انتظامیہ غا افسران غے سنگ ڈپٹی کمشنر غا دفتر مانہہ کانفرنس ہال مانہہ ایک میٹنگ کی۔ جس مانہہ آن آلا عید غا تہوار غی تیاریاں ور تبادلہ خیال کیو گیو۔ اس موقع ور جموں کشمیر وقف بورڈ غی چئیر پرسن ڈاکٹر درخشاں اندرابی نے اس طرح کہیو۔

\*\*\*\*\*